



Broj: 02-04-1428/23-AP-3
Datum: 12.06.2023. godine

GRADSKO VIJEĆE ZAVIDOVIĆI
n/r PREDSEDavajući GRADSKOG VIJEĆA
Admir Fojnica, prof.

PREDMET: Odgovori na vijećnička pitanja sa 14. sjednice Gradskog vijeća Zavidovići održane 31.05.2023. godine, dostavljaju se

Povodom vijećničkih pitanja postavljenih na 14. sjednice Gradskog vijeća Zavidovići održanoj 31.05.2023. godine, dostavljamo odgovore na iste kako slijedi:

1. VIJEĆNIČKA PITANJA VIJEĆNIKA HODŽIĆ HARISA

1. Vijećnik Hodžić Haris: Na osnovu člana 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od nadležne gradske službe da nam dostavi informaciju da li su zainteresovanim investitorima u prethodnim godinama nudili slobodne građevinske parcele br. 216/7, 209/1 i 211 sve k.o Zavidovići u vlasništvu Grada Zavidovići sještenih u industrijskoj zoni Majdanska polja?

Obrazloženje:

U prethodnim godinama u nekoliko navrata investitori koji su iskazali interes za otvaranje proizvodnje na području naše općine, nisu uspjeli instalirati pogone na području poslovnih zona grada Zavidovići, te su u svoju proizvodnju prebacili susjedne lokalne samouprave otvarajući nova radna mjesta u drugim općinama.

Direktno pitanje:

Molim nadležnu službu da nam dostavi informaciju da li su slobodne parcele u industrijskoj zoni Majdanska polja br. 216/7, 209/1 i 211 nuđene investitorima koji su u prethodnim godinama iskazivali interes za pokretanje proizvodnje na području općine Zavidovići, kao dostupno zemljište za instalaciju pogona?

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnoj gradskoj službi.

S poštovanjem.

Odgovor na prvo vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-171/23 od 14.06.2023. godine): Služba za upravu privrede, lokalni razvoj, infrastrukturu i međunarodnu saradnju u prethodnom periodu nije imala zahtjeva od zainteresovanih investitora vezano za predmetne parcele u industrijskoj zoni Majdanska polja, kako je navedeno u vijećničkom pitanju. Predmetni zahtjevi, kako je postavljeno kroz vijećničko pitanje, se dostavljaju Službi za upravu geodetskih, imovinskopravnih poslova i urbanizam u

čijoj je nadležnosti postupanje vezano za prodaju zemljišta i prometovanja nekretnina u vlasništvu grada; uspostavljanja i ažuriranja evidencija i kataloga neizgrađenog i izgrađenog građevinskog zemljišta i poduzimanje mjere za njihovo efikasno upravljanje i korištenje.

Odgovor na prvo vijećničko pitanje (Odgovor je sačinjen na osnovu akta Službe za upravu geodetskih, imovinskopravnih poslova i urbanizam, broj: 06-45-18/23-AP-210 od 12.06.2023. godine): Navedene parcele nisu bile predmetom Oglasa za prodaju u prethodnim godinama, iz razloga neriješenih imovinskopravnih odnosa.

Naime, zajedno sa slobodnim parcelama vlasništvo Grada Zavidovići (209/1 i 211 k.o. Zavidovići) u sastav građevinske parcele ulaze i parcele koje su u privatnom vlasništvu, i iste bi se morale eksproprisati kako bi se mogla stvoriti parcela pogodna za prodaju tj. potrebno je prethodno rješavanje imovinskopravnih odnosa za predmetne parcele.

Parcela označena sa k.č. 216/7 k.o. Zavidovići ne može biti predmetom prodaje jer se na istoj nalazi infrastruktura tj. na istoj nije predviđena gradnja.

2. Vijećnik Hodžić Haris: Na osnovu člana 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od nadležne gradske službe da nam dostavi informaciju da li su parcele broj 204, 206/1, 216/6 i 216/12 sve k.o. Zavidovići slobodne parcele u okviru industrijske zone Majdanska polja i da li su iste nuđene investitorima koji su u prethodnim godinama iskazivali interes za pokretanje proizvodnje na području općine Zavidovići, kao dostupno zemljište za instalaciju pogona?

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnoj gradskoj službi.

S poštovanjem.

Odgovor na drugo vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-171/23 od 14.06.2023. godine): Služba za upravu privrede, lokalni razvoj, infrastrukturu i međunarodnu saradnju u prethodnom periodu nije ima zahtjeva od zainteresovanih investitora vezano za predmetne parcele u industrijskoj zoni Majdanska polja, kako je navedeno u vijećničkom pitanju. Predmetni zahtjevi, kako je postavljeno kroz vijećničko pitanje, se dostavljaju Službi za upravu geodetskih, imovinskopravnih poslova i urbanizam u čijoj je nadležnosti postupanje vezano za prodaju zemljišta i prometovanja nekretnina u vlasništvu grada; uspostavljanja i ažuriranja evidencija i kataloga neizgrađenog i izgrađenog građevinskog zemljišta i poduzimanje mjere za njihovo efikasno upravljanje i korištenje.

Informacijama o slobodnim parcelama raspolaže Služba za upravu geodetskih, imovinskopravnih poslova i urbanizma, obzirom da je jedina nadležna za provođenje postupaka prodaje, kao i parcelacije na osnovu kojih se na raspoloživom prostoru formiraju slobodne parcele.

Odgovor na drugo vijećničko pitanje (Odgovor je sačinjen na osnovu akta Službe za upravu geodetskih, imovinskopravnih poslova i urbanizam, broj: 06-45-18/23-AP-210 od 12.06.2023. godine): Parcele označene sa k.č. 206/1, k.č. 216/6 i k.č. 216/12 k.o. Zavidovići, nisu bile predmetom javnog oglašavanja prodaje (iste parcele predstavljaju saobraćajnice), dok je parcela označena sa k.č. 204 k.o. Zavidovići bila predmetom oglasa o javnoj prodaji i ista je prodata Porobić Edinu.

Promjene posjeda i vlasništva na predmetnoj parceli još nisu provedene u Katastru zemljišta i Zemljišnoj knjizi.

2. VIJEĆNIČKA PITANJA VIJEĆNIKA FEHRIĆ ŠEMSE

1. Vijećnik Fehrić Šemso: Sanacija klizišta na putu Zavidovići-Gornji Kovači i to u naselju Kratkovići, koja nije riješena od 2014.godine.

Obrazloženje: Mještani imaju informaciju da su za ovo klizište došla sredstva sa viših nivoa vlasti, ali klizište do danas nije riješeno. Klizište nije veliko, ali mještani se boje da može prouzrokovati veću štetu na stambenim i pomoćnim objektima mještana koji tu žive.

U sklopu ove inicijative postavljam

Predmet: Vijećnička pitanja: (1)

1. Da li su sredstva za sanaciju ovog klizišta stigla sa viših nivoa?
2. Zbog čega ovo klizište nije sanirano u prethodnom periodu?

Izvor sredstava; 61372421 Izdaci za usluge popravki i održavanja cesta, željeznica i mostova zimsko održavanje lokalnih cesta

Odgovor na prvo vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-171/23 od 14.06.2023. godine): Služba za upravu privrede, lokalni razvoj, infrastrukturu i međunarodnu saradnju nije imala na raspolaganju namjenska sredstva za sanaciju klizišta u naselju Kratkovići, a zbog velikog broja klizišta na lokalnim cestama i iznosa raspoloživih vlastitih sredstva sanacija ovog klizišta nije izvršena.

2. Vijećnik Fehrić Šemso: Na koji način gradska administracija planira poboljšanje kvaliteta izvođenja radova na izgradnji i održavanju mreža javne rasvjete?

Obrazloženje:

Već duže vrijeme se problemi na mrežama javne rasvjete na području grada Zavidovići, adresiraju na pogrešne ljude, čime se dodatno građani dezinformišu, a imena nekih ljudi i vijećnika nepotrebno pominju.

U cilju poboljšanja sigurnosti mreža javne rasvjete treba podignuti kvalitet izvođenja radova i održavanja istih. Ovaj problem je izražen i smatram da se treba ozbiljno njime pozabaviti.

Napomena: U ranijem periodu sam imao inicijativu za rješavanje ovog problema, ali ona je glatko odbijena.

Odgovor na drugo vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-171/23 od 14.06.2023. godine): Izgradnja javne rasvjete je u nadležnosti Službe za upravu privrede, lokalni razvoj, infrastrukturu i međunarodnu saradnju. Postupci javnih nabavki za izgradnju javne rasvjete se pripremaju na osnovu revidirane projektne dokumentacije izrađene od strane ovlaštenih projektantskih kuća i za koje je izdato odobrenje za građenje.

Također, za sve ugrađene materijale se dostavlja odgovarajuća atestna dokumentacija, te pitanje koje se odnosi na poboljšanje kvaliteta izvođenja radova na izgradnji javne rasvjete nije u potpunosti jasno.

Odgovor na drugo vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-21/23-AP-141 od 15.06.2023. godine): Gradska uprava Grada Zavidovići tretira javnu rasvjetu kao jedan od veoma bitnih segmenata komunalne usluge koja se pruža građanima.

U cilju te kontinuirane i pravovremene usluge Grad Zavidovići na početku svake kalendarske godine provodi postupak javne nabavke u cilju obezbjeđivanja odgovarajućeg privrednog društva koje će vršiti radove na održavanju javne rasvjete.

Za tekuću kalendarsku godinu je također proveden postupak javne nabavke i 06.02.2023. godine je potpisan Okvirni sporazum za „Održavanje javne rasvjete na području Grada Zavidovići i elektroinstalacija u zgradi Gradske uprave“.

Okvirni sporazum je potpisan sa preduzećem „KOP I KO“ d.o.o. Živinice a održavanje i svi neophodni radovi na postojećoj javnoj rasvjeti se izvode na osnovu pojedinačnih ugovora u kojima se definišu detalji svih potrebnih radnji na javnoj rasvjeti.

Gradska uprava u cilju poboljšanja kvalitete javne rasvjete u urbanom dijelu Grada Zavidovići već je započela proces zamjene postojećih rasvjetnih lampi sa novim led reflektorima kao i proces zamjene postojećih tajmera za paljenje i gašenje javne rasvjete sa samopodešavajućim tajmerima.

Taj proces je već okončan u nekoliko gradskih ulica i u narednom periodu će biti nastavljen čime se umnogome poboljšava ukupan kvalitet javne rasvjete kao i samo njeno paljenje i gašenje.

Ono što jeste problem u ukupnom funkcionisanju sistema javne rasvjete u urbanom dijelu Grada Zavidovići jeste njena višedecenijska starost svih podzemnih i nadzemnih instalacija.

Ovaj problem posebno dolazi do izražaja u toku obilnih padavina i jakih vjetrova a što u današnjim okolnostima sve češćih takvih pojava, stvara dodatne probleme u funkcionisanju javne rasvjete.

Zbog ograničenosti sredstava u budžetu za ovu namjenu nije moguće u jednoj kalendarskoj godini uraditi sve planirano ali će Gradska uprava nastaviti da radi na poboljšanju kvaliteta javne rasvjete kroz započet proces zamjene svih postojećih rasvjetnih tijela i svih tajmera.

Što se tiče konstatacije „Već duže vrijeme se problemi na mrežama javne rasvjete na području Grada Zavidovići adresiraju na pogrešne ljude, čime se dodatno građani dezinformišu a imena nekih ljudi i vijećnika nepotrebno pominju“, smatramo da je to posljedica što još uvijek jedan dobar dio građana percipira javnu rasvjetu i svu njenu infrastrukturu na terenu, kao sastavni dio ukupne infrastrukturne mreže JP EPBiH pa iz tog razloga se za određene potrebe i radnje u okviru javne rasvjete obraća na adresu nekih od uposlenika JP EPBiH.

Gradska uprava i svi oni koji u okviru nje se bave poslovima oko javne rasvjete, sigurno niti jedno pitanje u vezi javne rasvjete ne adresira na bilo koju drugu adresu a ponajmanje na adresu nekoga od uposlenih iz JP EPBiH.

3. VIJEĆNIČKA PITANJA VIJEĆNIKA HUSKIĆ HASIBA

1. Vijećnik Huskić Hasib: Na osnovu člana 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od nadležne gradske službe informaciju zašto se prestalo sa radovima na rekonstrukciji dionice puta kroz naseljeno mjesto Mećevići prema Pašinom Konaku. Svjedoci smo da ta dionica koja je bila čini mi se pripremljena za završne radove i asfaltiranje propada iz dana u dan.

Odgovor na prvo vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-171/23 od 14.06.2023. godine): Dužina trajanja radova na rekonstrukciji dionice puta kroz naseljeno mjesto Mećevići prema Pašinom Konaku bila je uslovljena vremenskim prilikama.

Sve štete koje su nastale na pripremljenoj podlozi za asfaltiranje pale su na teret izvođača radova. U međuvremenu, od postavljanja ovog vijećničkog pitanja do pripreme odgovora na isto svi radovi su okončani kako je predviđeno ugovorom.

2. Vijećnik Huskić Hasib: Na osnovu člana 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje:

Tražim od nadležne gradske službe informaciju dokle se stiglo u radu po zahtjevu broj D/Br. 88-02/22 koji je dostavljen na protokol stručne službe dana 26.12.2022., a riječ je o pokretanju procedure za pripremu i izradu dokumentacije, rješavanja imovinsko pravnih odnosa i u konačnici kvalitetne izrade pristupnog puta u ulici Oslobođenaca Gostovića.

Zahtjev podnešen od strane MZ Lovnica, a na zahtjev mještana naseljenog mjesta.

Konkretno, radi se o priključnom putu između poslovnih hala privrednog društva EUROIMPEX-AN d.o.o Zavidovići u dužini cc 250m.

Odgovor na drugo vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-171/23 od 14.06.2023. godine): Imajući u vidu trenutno raspoloživi budžetski iznos koji se odnosi na finansiranje kapitalnih izdataka na gradskim ulicama i trenutne potrebe za sanacijom, investicionim održavanjem i rekonstrukcijom istih, definisanih kroz Plan i program održavanja i zaštite i program rekonstrukcije, izgradnje i obnove lokalnih cesta i gradskih ulica Grada Zavidovići za 2023. godinu („Službeni glasnik Grada zavidovići“, broj: 4/23) na koji je Gradsko vijeće Zaključkom broj: 01-11-787/23-AP-4 od 05.04.2023. godine dalo svoju saglasnost, kao i ranije usvojenim Planom kapitalnih investicija Grada Zavidovići revidiran za period 2023.-2027. godine („Službeni glasnik Grada zavidovići“, broj: 8/22) predmetni zahtjev trenutno nije moguće realizovati obzirom da Grad Zavidovići ne raspolaže sa budžetskim sredstvima za realizaciju investicija koje nisu planirane planskim dokumentima i budžetom.

4. VIJEĆNIČKO PITANJE VIJEĆNIKA BOŠNJAKOVIĆ HAKIJE

Vijećnik Bošnjaković Hakija: U maju 2022. godine, na 2. sjednici Gradskog vijeća, postavio sam vijećničko pitanje koje se odnosi na uređenje obale rijeke Bosne, odnosno izgrađenu šetnicu duž obale u urbanom dijelu grada, gdje nisu predviđeni prilazi za osobe s kolicima, tj. invalidne osobe i roditelje s bebama.

Kako stvari stoje, proći će godina dana, a ništa se po tom pitanju neće poduzeti.

U međuvremenu, tokom sniježnih padavina, koje srećom nisu bile obilne ove zime, uočljiv je još jedan detalj. Naime, mašine za čišćenje snijega nemaju pristup izgrađenoj šetnici, a građani su već naviknuti korisititi šetnicu izbjegavajući saobraćajnu buku i prašinu u ulici dr. Pinkasa Bandta. Stoga se na šetnici pravi utabana staza ili prtina, koja se u hladnim noćima i jutrima pretvara u poledicu, samu po sebi opasnu za pješake, a naročito ako uzmemo u obzir blizinu rijeke i neograđenu strminu.

Izgradnjom prilaza za osobe s kolicima, ujedno bi se omogućilo i manjim mašinama s grtalicom da priđu šetnici, te da lahko i brzo očiste taj dio staze.

U maju 2022. godine, postavio sam pitanje da li se to planira uraditi i kada? I danas me isto zanima.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-171/23 od 14.06.2023. godine): Agencija za vodno područje rijeke Save je uradila projektno-tehničku dokumentaciju za uređenje obala rijeke Bosne na potezu između dva cestovna mosta. Također, sve radove na uređenju rijeke Bosne su finansirane od strane Agencije.

Projektno-tehničkom dokumentacijom nije predviđen prilaz za osobe sa invaliditetom sa kolicima i roditelje s bebama u kolicima, a pretpostavka je da nije moguće izgraditi rampu sa maksimalnim nagibom od 15%, a da se ne naruši stabilnost kosine zasječene strane.

Također vas obavještavamo da će za sezonu 2023/2024 zimskog održavanja gradskih, prigradskih i strmih ulica, javnih površina stepeništa i šetnice na obali Bosne biti uvrštena za čišćenje snijega i to ručnim putem.

5. VIJEĆNIČKA PITANJA VIJEĆNIKA SKEJIĆ SAMIRA

1. Vijećnik Skejić Samir: Molim nadležnu službu Grada da nam predoči informaciju kakvi su izgledi da se sadržaj oficijelne stranice Grada Zavidovići obogati informacijama važnim za naše građanstvo po modelu oficijelnih stranica nekih drugih gradova u Kantonu.

Odgovor na prvo vijećničko pitanje (Odgovor je sačinjen od strane Stručne službe gradonačelnika): Službena web stranica Grada Zavidovići je modernizovana 2021. godine (urađen novi izgled i raspored kategorija) u skladu sa potrebama informisanja građana o radu organa Grada Zavidovići, te istu smatramo zadovoljavajućom sa ovog aspekta. Sa aspekta korištenja tehnike izrade stranice, ista je izrađena tehnikom koja je trenutno u upotrebi u svim modernijim web stranicama. Posebna stranica je posvećena investitorima i uslovima za privređivanje na području Grada Zavidovići, te pruža dovoljno informacija o uslovima za investiranje, kao i brojnim olakšicama i poticajima. Iz vijećničkog pitanja se ne može zaključiti koji sadržaj bi se trebao nalaziti na službenoj web stranici Grada Zavidovići, a da već nije sadržan u postojećim kategorijama stranice.

2. Vijećnik Skejić Samir: Pitanje upućujem na Gradonačelnika i Sekretara Gradskog vijeća, a izravno se tiče organizaciji navedenih datuma namjerno iz učešća izostavlja Predsjedavajući i Zamjenik organizacije javnih skupova i obilježavanja značajnih datuma na nivou grada. Naime, obzirom da se pri predjedavajućeg uputio bih zamjerku organizatoru značajnih datuma da ubuduće protokolarno riješi lošu praksu da se pri polaganju cvijeća i službenom defileu umjesto ovlaštenih predstavnika vijeća pojavljuju akteri koji trenutačno nisu izabrani predstavnici vlasti u našem gradu.

Molim da mi se oodgovori dostave blagovremeno i u pisanoj formi.

Odgovor na četvrto vijećničko pitanje (Odgovor je sačinjen na osnovu akta Stručne službe Gradskog vijeća, broj: 01-04-1436/23-AP-2 od 15.06.2023. godine): Stručna služba Gradskog vijeća u okviru svoje nadležnosti zadužena je za održavanje svečane sjednice Graskog vijeća koja se održava u povodu „15. septembra - Dana Grada Zavidovići“, a shodno protokolu koji utvrđuje Kolegij Gradskog vijeća.

Stručna služba Gradskog vijeća uredno prosljeđuje pozive za obilježavanje značajnih datuma (predsjedavajućem, zamjeniku predsjedavajućeg i vijećnicima Gradskog vijeća Zavidovići).

Protokol obilježavanja javnih skupova i obilježavanja značajnih datuma na nivou Grada, sačinjava organizator javnog skupa, odnosno organizacioni odbor za obilježavanje značajnih datuma na nivou Grada.

3. Vijećnik Skejić Samir: Molio bih nadležnu službu da nam dostavi podatak o broju rezidenata i nerezidenata u ukupnoj populaciji grada ukoliko su im podaci dostupni, ukupnom broju birača na izborima, ukupnoj izlaznosti birača na posljednjih izborima po mogućnosti razvrstano po pripadnosti mjesnim zajednicama.

Odgovor na šesto vijećničko pitanje (Odgovor je sačinjen na osnovu akta Stručne službe Gradskog vijeća, broj: 01-04-1436/23-AP-2 od 15.06.2023. godine): Vijećničko pitanje vijećnika Samira Skejića prosljeđeno je Gradskoj izbornoj Komisiji Zavidovići, prijemom odgovora isto ćemo dostaviti Gradskom vijeću.

4. Vijećnik Skejić Samir: Molio bih nadležnu službu da nam blagovremeno dostavi informaciju o kriterijima izbora za Savjete mjesnih zajednica.

Pitanja su formulisana u skladu sa članovima 8. i 97. Poslovnika o radu Gradskog vijeća.

Odgovor na sedmo vijećničko pitanje: Službe za upravu društvenih djelatnosti, pitanja boraca i opću upravu nije dostavila odgovor na vijećničko pitanje.

S poštovanjem

PO OVLAŠTENJU GRADONAČELNIKA
broj: 02-45-9/22-AP-41 od 22.04.2022. godine
SEKRETAR GRADSKOG ORGANA
DRŽAVNE SLUŽBE

Dostavljeno:

1. Naslovu,
2. U spis.

Nermin Čahtarević, dipl. pravnik